



A [Cadena Ser](#) acaba de dar conta da detención de Miguel Rosendo - líder da seita católica Orden y Mandato de San Miguel Arcángel - por parte da Garda Civil na localidade madrileña de Collado Villalba.

Segundo informan a detención produciuse por sorpresa esta mañá durante unha reunión programada dos membros desta seita católica.

[O comunicado feito público onte aos medios de comunicación](#) por parte de decenas de vítimas e familiares, podería ser o detonante que provocarían esta detención. As vítimas relataron casos de graves abusos sexuais, vexacións e coaccións así como delitos relacionados coa facenda.

Familiares das vítimas relataban onte os supostos abusos e ritos satánicos aos que sometía o líder da organización que operaba en Nigrán, Oia, Vigo e O Morrazo.

A noticia saltaba á actualidade fai varias semanas cun escándalo que pillou a moitos veciños do Val Miñor por sorpresa. A orde tiña unha sede no antigo convento dos pais franciscanos de Vilariño (Nigrán). Logo do rebumcio a seita seguía operativa na Serra de Madrid con outro nome, La Voz de Serviam. As vítimas denuncia a colaboración de bispos coa seita.

[O escándalo de supostos abusos sexuais](#) na Orden y Mandato de San Miguel Arcángel, seita católica creada na diocese de Vigo-Tui e xa disolta polo bispado, tomara un novo camiño nos últimos meses.

Ademais dos detalles dos supostos abusos, o máis relevante era que o seu líder espiritual e fundador, Miguel Rosendo, seguía operando, malia estar investigado xudicialmente polo Xulgado número 1 de Tui e disolta a Orde pola Igrexa. La Voz de Serviam é o novo nome da seita, que mesmo segue a aproveitar a música para facerse un oco nas celebracións cristiás, como detallaban na súa web que ilustraban unha recente actuación nunha cerimonia da Noche de Marcha de la Pastoral Universitaria de Granada.

Detido o líder e fundador da Orde e Mandato de San Miguel de Arcanxo

Escrito por Redaccion @valminorinfo
Xoves, 11 Decembro 2014 16:47

A Garda Civil continúa agora mesmo rexistrando a casa de Collado Villalba en presenza do detido. Fontes próximas a esta investigación confirmaron á Cadea SER que xa se incautou documentación e unha importante cantidade de diñeiro.

Relacionadas

- ["Por su semen le llegaba el cuerpo de Cristo"](#)
- [A seita católica de Oia, investigada por supostas condutas sexuais, segue activa](#)
- [Destapan un "Edén de relixiosas" nunha orde con residencia en Oia e Vilariño.](#)
-